

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Itinerarius [dt.]

John <Mandeville>

[Straßburg], 1483

Das i. Capitel


[urn:nbn:de:bsz:31-293100](https://nbn-resolving.org/urn:nbn:de:bsz:31-293100)

zweim landē zū maritanie vno zū ethiopie ist manig groß; künigrich dar-
 nach ist das künigrich von nubie das ist cristen vno scollert an die wüste vō
 Egipten dar inne sind die zwey künigrich von libie das groß; vno das klei
 zū reichent herab vnt; vff hyspaliē mōze vñ vff das mōz das da heisset al-
 lanticum. In den zweien libien do ist gar manicherley leute. etliche ge-
 schneblet vno etlich sunst vno so in menigerley wijsen mit formen mit ge-
 wonheiten vno mit glauben vno mit allen sachen vno sind vnstet vñ hā
 sich dick verendert an irem glauben vno sitten. Ouch sint vil andze künig-
 rich in den zweien libien die Oggier alle gewan als die lute von libien sel-
 ber Sagent vno nun sind sy den merzerteil dem grossen Can von kathy
 vno erton. Vno der künig von Persien vno der künig soldan von babilonie
 hant etliche land zū leben von dem Can die in libien ligent.



hpe endet das tryte. Vñ hebt an dz fierde büch
 Das .j. Capitel

Als ich do vor in dem dritten büch gesagt han vō den
 landen vno inseln die man faren müß; von disen landē
 gen venedig vno dannen hyn gen Constaninopel vñ
 in die varen kriechen / vñ gen trapesonde / durch ar-
 menien vnt; gen kathy in des grossen hunds land
 Also will ich furball; sagen wie man komen sol von



Kathy in priefe
 er johanns land
 von indien zū zie-
 chent gen batriō
 vñ durch das lād
 caville vno in dez
 land sind bōm die
 etage nei fruchte
 ist grösser den die
 kürpsen sind vno
 so man die fruchte
 vff schneidet. so vi-
 det man ein tierli
 darin das fleisch
 vno blūt hat vno
 ist gestalt als ein
 klei lamp on wol-
 len vñ die lūt ma-
 chēt güt spiß; dar-
 uff vno essent fru-
 che vno tier mit

einander vnd d; wunderet mich
 vñ seite den luten wie wir des gli-
 chen ouch herren wā in dem land
 pberman sind ouch bōmedie wa-
 chsen by dē wasser vff denē ston
 frucht gestalt gleich als lang bie-
 ren vnd so die selben zittig wer-
 den vnd ab vallen welche den vff
 die erden vallent die verderbē vñ
 wirt ein vnflac darus welche ab-
 er in d; wasser vallēt die wirt ein
 lebendiger vogel vnd flüget en-
 weg vnd ist gestalt als ein antuo-
 gel mmoer den ein gansse / vñ he-
 erwas me bruner vdozen dān ein
 gemeiner antuogel / vñ wil al-
 weg wasser by im haben vnd ist frölich
 so es regnet vñ heissent bōm gens
 In dem selben land Cadille sind ouch
 bōme die als gros öpfel tragē als ein
 ros; houpt ist / vñ sind güc vnd luscig
 zū essen / vñ wachsent ir vil by ein-
 ander an ein ast vñ hat der bolim
 bletter die sind me den; weper
 füs; lang vñ eines füs breit. Es sind
 ouch bōm da die muscat nuss; vñ
 negel; vñ matz; vñ ander güc
 wurt;en tragent. Es sind ouch
 bōme die gros nuss; trāgent
 da ein halbe schal vol ein güc-
 ten trunck haltent. Es sind ouch
 rebē da daran crybel wachsent
 da ein man an einē genüg; zū
 eragen hat. In dem selbē land
 Cadille do ligēt die gebirg die
 da heissent Caspien vñ vñ dē
 selben gebirg Caspian mere
 smen namen hatt / vñ d; sind
 die gebirg dar in alexander
 die .x. iuden geschlecht beschlos
 die do hieß en Bog vñ magog /
 vñ nennent sy erwen die rotte



kj



juden vnd in den zit
 ten Alexander in die
 selben land zoch wi-
 der vncristen hite /
 Do hetten in die sel-
 ben zehen geschlecht
 sunderliche erzürnet
 vnd er wolte spe be-
 seritten han do flu-
 chent sie in die engē
 gebirg zū füsse dar
 in Alexander zū rossz
 vnd mit sinem gros-
 sen here nit kōmen
 mocht. da bat er got
 das er in erwan mit
 rōche an dem bösen
 volck / vnd zū seind
 an schluffēt sich die
 berg zū hinder dē ju-
 den als gar das spe

siderher niemer mochtend herus kōmen / vñ sind die löcher dar in gleich al-
 so ob da selb ein ander welt spe. Vnd vff ein teille des gebirgs gegen vns
 here sind als hoch vnd als gehe berge gleich als ein muren / vñ mag niemā
 zū in kōmen On allem die künigin von amazon / vñ hinder dem land ist ein
 grosser sew der ist so witt das etlich meinent es spe dz recht mōr / vñ ist der
 selb sew mit bergen als muren sind vmbgeschlossen / vnd also mügent spe nie-
 nen vskōmen / weder mit schiffen oder sunst / wañ men die weg zū allen en-
 den verschlagen sind / vnd meint man das das recht mōr vnder dem gebirg
 in quelle vnd den sew da mache. Ze die selben iuden hand ouch kein eigen
 land me den dz selbe / Nochoen sind spe nit fry. wañ spe zinsen der künigin
 von amazon wañ do penesolpa da zū mal künigin zū Amazon die selbē land
 alle gewan da gieng da noch ein genger weg wol vier myl lang dar nach
 sprach sy vnd tete die schlipffe nach irem willen buwen in söllicher mazz dz
 sie zū im vnd aber die juden zū ir nit kōmen mochtent vnd dar noch würdē
 sie ir vñ ir nachkōmen vnderthon vnd wer des selben wegē her ist vnd dz
 sehlos inn hatt der müs es wol behieten das sie nit herus kōmend anders
 spe verderbten alle welt / vnd meinent die juden die hieus sind vnd haltē
 vscenglich das die selbē beschlossē judē noch erwan sölleud vskōmen vñ
 solten disse juden lassen von aller gefengknus vnd von der set mgeheit so sy
 lident von den cristen vnd von den heiden / vnd die juden meister sagent sy

sie haben es in iren büchen gescriben / vnd ich han gehört von etlichen ge-
 lerten juden das sie sprachent Es solle ein löchlin werde by dem turn oder
 by der porze die alle ander buwete by dem ingang des gebürges das man
 daruff hüce das sie mit vskrechen / vnd sol ein fuchs in das löchli kömen
 vnd ein hili da graben durch das gebirge als lang vntz er zü in kömet / vñ
 so sie des fuchs innen werdent so sollen sie in iagen vntz er wider in sin hü-
 ty flüchet so sollent sie im den nach iager vntz sie in verlieren vnd so sollent
 sy den beuinden das er ein loch hab gemacher durch das gebürg / vnd das
 selb loch sollen sye wit machen das sie da durch kömen mügent / vñ das
 solle geschehen so der entecrist anhebt zü richznent wān sie werde ouch an
 in glauben als die geschzifte seit vnser s glaubens das sie an de entecrist ge-
 louben werden / Aber wie sie vsköment des los ich belibē / wān Sanctys
 hieronymys seit es in sinen büchen.



k ij